



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 561 Usque Ad Annum 633

Fleury, Claude

August. Vind. [u.a.], 1759

VD18 90117832

§.14. Methodus docendi.

[urn:nbn:de:hbz:466:1-66072](https://nbn-resolving.org/urn:nbn:de:hbz:466:1-66072)

sollicite semper observasset. Hæc Scientia in Ordinandis sufficiebat, si modo magnæ ad regendos Fideles prudentiæ, & solidæ Pietati juncta inveniretur. Nunquam tamen defuerunt aliqui Episcopi in scientiis profanis versatissimi, sed plerumque tales, qui jam ante suam Conversionem, sicut S. Augustinus & S. Basiliius, magno labore sibi illas comparassent. His deinde ad defendendam Veritatem opportune utebantur, illosque qui Scientias in Episcopo vituperabant, egregie refellebant, cujus rei exemplum in S. Augustino contra Cresconium Grammaticum habemus.

Hist. l. XXII.

58

§. XIV.

Methodus docendi.

Quantum vero ad docendi Methodum spectat, Episcopi diversam cum Infidelibus, diversamque cum Filiis Ecclesiæ, rursusque cum Hæreticis rationem tenebant. Infidelibus nihil prius suggeriebant quam ejusmodi principia, quibus corruptos eorum mores corrigerent; quia Patres frustra se de Religione disputaturos arbitrabantur cum hominibus, qui adhucdum pravis affectibus & falsis præjudiciis regebantur. Satis ab initio facere sibi videbantur, si pro Infidelibus orarent, bono exemplo præluerent, eosque patientia, mansuetudine & beneficiis temporalibus allicerent, donec

donec in illis sincerum desiderium veritatem cognoscendi, & amplectendi virtutemprehendissent. Quando in Gen-*Hist. L. V.*
 tiles ingenio sublimiore præditos, &*n. 43. n. 57.*
 sciendi avidos incidebant, humanarum Scientiarum subsidio utebantur, ut eorum animos ad recipiendam veram Philosophiam præpararent. Recordamini, Lectores! qualem Methodum Origenes in erudiendo S. Gregorio Thaumaturgo adhibuerit.

Fideles Patrum sermonibus & exhortationibus in Doctrina Ecclesiæ roborabantur, & contra Hæreses confirmabantur, item ab iisdem bene vivendi, & mores emendandi Regulas accipiebant. Omnes SS. Patrum Sermones circa duplicem versantur materiam, nempe mores, & suæ ætatis Hæreses; qui hac clave destituti sunt, SS. Patrum scripta sæpe vel non intelligunt, vel saltem illa lectione delectari nequeunt. Unde ex Historia Ecclesiastica eximia utilitas advenit, ut, si quis sciat, quo tempore & quibus in locis singulæ Hæreses dominatæ fuerint, facile perspiciat, cur SS. Patrum Sermones ad determinatum Doctrinæ Articulum semper colliment. Inde sæpe cogebantur relicto Sensu Scripturæ litterali, sensum moralem tropicum vel allegoricum sequi; nam Lectiones non pro arbitrio eligebant, sed earum ordo

R 5

per

per anni cursum eodem prope quo hodie modo dispositus erat. At Scripturæ Lectiones cum illa materia, quamcumque ad populum docendum utilissimam arbitrabantur, perite conciliabant.

Quando cum Hæreticis res Patribus erat, Sensui Litterali inhærebant, aut tunc solummodo utebantur allegorico, quando de illo sensu inter Catholicos & Heterodoxos conveniebat. Hinc maxime utiles nobis sunt illi de Doctrina controversa Libri, unde verum Scripturæ Sensum, & definitum Ecclesiæ dogma discamus. Quicumque Christiani Nomen gerebat, profitebatur, se sola Sacra Scriptura (*) inniti; inde Hæretici suas argutias

(*) In Reflexione ad hanc Dissertationem P. Balduinus nihil aliud adversus Fleurium effert, quam hæc ipsius verba: *Quicumque Christiani Nomen gerebat, profitebatur, se sola Sacra Scriptura inniti.* Et addit; Propositionem esse hæreticam.

At vero parcus! parcus! Nemo jure suspicari potest Fleurium in hoc loco Traditionem voluisse excludere. Nam in hac ipsa Dissertatione, ubi de Disciplina loquitur, ter de Traditionibus mentionem facit, & in Paragrapho XI. differens de Doctrina Fidei ait: *Voilà comme les Peres ont prouvé le Mystere de la Trinité. Non par des raisonemens Philosophiques, mais par l'autorité de l'Écriture & de la Tradition.*

gutias, & Catholici Responsiones expromebant. Id animadvertere potuistis in toto hujusce Historiæ Corpore, & in fragmentis de Doctrina Catholica, quæ *Hist. Lib. XVII. n. 5. or. 33.* inserui, nam Textus utrinque allegatos studiose retuli. Ceterum SS. Patres admodum parce de Quæstionibus Fidei differere solebant; illas tantum, quæ ipsis proponebantur, resolvere contenti, de novis tacebant. Levia quorundam & turbulenta ingenia severe reprimebant, nec omnibus indiscriminatim de Materia Fidei disputare permittebant. In memoriam revocate, quæ in hanc rem S. Gregorius Nazianzenus dixit, & quantam prudentiam & sapientiam hic S. Pater in illis requirat, qui de Quæstionibus Theologicis differant.

§. XV.

Patrum Scientia.

Quisquis, non dicam ipsa SS. Patrum opera, sed tantum ea pauca, quæ in ista Historia retuli, Excerpta attente legerit, nullatenus, ut arbitror, dubitabit,

tion. Quæ verba ego superius reddidi: *Hac Methodo Patres nostri existentiam Mysteriorum Trinitatis non argumentationibus Philosophicis, sed Auctoritate Scripturæ & ex Traditione probaverunt.* Plane R. P. Balduinus videtur voluisse fucum facere, saltem illis, qui Fleurium nunquam lecturi essent.